

**ББК 63.4
К 69**

“МӘДЕНИ МҰРА”
МЕМЛЕКЕТТИК БАҒДАРЛАМАСЫНЫҢ
ШЫҒЫСТАНУ СЕҚЦИЯСЫ:

Әбусейітова М. Қ. (төрайым)
Момынов Э. Қ. (төрайымның орынбасары),
Медерова Д. Е. (жауапты хатшы),
Еженханұлы Б., Базылхан Н., Нұрманова А. Ш.

Көне түрік мәтіндерінің түпнұсқалық көшірмелерін,
сөзбе-сөз салыстырмасын, түсіндірмелерін жасаған
және фотосуреттерін дайындаған

Н. Базылхан

Архитектуралық сыйбалары мен өлшемдерін әзірлеген
Е. Шымшихан

Ғылыми редакторы — **Б. Базылхан**

К 0504000000
00(05)-05

ББК 63.4

ISBN 9965-699-83-6

© Базылхан Н., 2005
© “Дайк-Пресс” баспасы, 2005

КІРІСПЕ

Қазақстанның ортағасырлық тарихында Түрік Елі тарихының алатын орны ерекше. Әйткені, V–XII ғасырлар аralығындағы түрік “номадтардың” өзгелерден дараланған өркениеті, далалық көшпелі бітім-болмысының өзіндік тарихы бар. Бір сөзбен айтқанда, шығу тегіміздің тамыры, асыл қасиетіміз, бай тарихымыз “арғы атамыз ер түріктермен” байланысты.

Түріктердің далалық көшпелі өркениетін қалыптастырып, туын тік, тұлғасын биік ұстай білген ұлан-байтақ мекені еуразиялық кеңістік болып табылады. Оnda ежелгі замандарадағы сақтар, хұндар (қытайша: шионну, сюнну, хұннұ), үйсіндер (усун), қанлылар (канцзю), сянбилер, тобалар, жужандар секілді этносаяси одақтар мен бірлестіктердің ізімен құрылған **Түрік Елі (Türük Eli)** V ғасырдан XII ғасырга дейінгі аралықта ірі империя атанды. Бұл империя сол дәүірдегі күллі түрік текстес этностарды, көшпелі ұлыстарды көк байрақтың астына біріктірді. Көне түріктер орнатқан осындаі империямен сол заманда терезесі тең келер бірде-бір мемлекет болмаған еді. Ол кездері еуразиялық кеңістікте жүз мыңдаған мыңты қаруланған ұзын найзалау “тұмен-тұмен” атты әскерлер “**елдің қамы, жердің тұтастығы үшін басы барларды идірген, тізесі барларды бұктірген**” еді.

“Тәнірі текті бек ұлдарды құл болғызбай, сұлу қыздарды құн болғызбай, ішер асын мол еттім, киер киімін кең еттім, кедейді бай қылдым, аз халықты көп қылдым, жақсылап тыңда! Ақылмен ұқ!” дейді сол кездердегі бітіктастарда білікті қағандар мен асыл бескеттіктер. Иә, бұл шын мәнінде көне түріктердің әлемдік тарих сахнасындағы даңқы асқақтаған биік кезеңі болатын.

Жазу әлем тарихының қай кезеңінде болсын жоғары өркениеттің бірден-бір белгісі болып табылады. Демек, сол заманнан бізге дейін жеткен жазба ескерткіштер ата-бабаларымыздың да әлемдік өркениетке өз жазуымен зор үлес косқандығын көрсетеді.

Қоңе түріктер өздерінің төлтума жазуын “**тұрғык бітік**” деп атаған. Тұрік Елінің ресми жазуы болып табылатын түрік бітіктің жасалу болмысындағығылыми негізді құндылығы мен кеменгерлігін мақтанышпен атауга болады. Әйткені, бұл көптеген түрік текстес этностардың тіл-сөйленістерін бір емлеge, бір тәртіпке ықшамдай білген “әмбебап” жазу болды.

Түрік Елінде түрік бітік арқылы бүйрек, жарлық шығару, үкім ету, мөртаңба басу, елші жіберу, хат алмасу және т. б. мемлекеттік маңызды іс құжаттар жүргізіліп отырды. Қағанның алтынмен апталған таңба-мөрін сақтаушысы – “**тамғачы**”, “**алтын тамған тархан**”, ал іс құжат хатшысы – “**бітікші**” деп аталды.

Ел тарихы қағандардың бүйрекімен ұрпаққа аманат ретінде түрік бітікпен қағазға хатталып, тасқа қашалған “**мәңгілік**” бітіктастарда (“бенгүташ”) айшықталды. **“Мың жылдың түмен құндік бітік жазуыммен біліктілігімді бекем тасқа қашадым”** дейді ер жүрек түріктер.

Барлық түрік текстес этностарға ортақ әрі түсінікті түрік бітік тез арада ұлан-ғайыр аймаққа кеңінен таралып, әмбебап жазуға айнала білді. Түрік бітіктің кеңістік аумагы бүтінгі Монголиядан бастап Алтай, Тува, Хакасия – Енисей, Абақан, Кем өзені, Бурятия – Байқөл, Лена, Саха, Шығыс Түркістан – Түрпан ойпаты, Дунхуань, Миран, одан Қазақстан – Ертіс, Талас, Іле, Сыр, Еділ, Жайық өзендері, Фергана, одан әрі Солтүстік Кавказ, Шығыс Еуропаны қамтыды. Бұл бүкіл Еуразия құрлығын алып жатқан орасан зор аймақ екені белгілі.

Қоңе түрік бітігі бүтінгі түрік текстес этностардың байырғы рухани мәдениетінің қуесі әрі ортақ мирасы болып табылады. Әмек қоңе түрік бітік – дүние жүзі өркениетіндегі шоқтығы биік ірі мұралардың бірі.

Осындағы асыл мұраларымызды жинауды мақсат еткен “**Мәдени мұра**” мемлекеттік бағдарламасын қолға алған Қазақстан Республикасының Президенті Нұрсұлтан Әбішұлы Назарбаевқа, осы бағдарламаны іске асыру жөніндегі қоғамдық кеңесті басқаратын Имангали Нұргалиұлы Тасмагамбетовке шын жүректен алғысымызды білдіреміз.

Мұндай ауқымды шара “**Мәдени мұра**” мемлекеттік бағдарламасын нақты жүзеге асыру және ежелгі асыл мұраларымызды жан-жақты зерттеу, зерделеу, қорғау, пайдалану мен насиҳаттауға байланысты жасалған батыл әрі иғі қадамдардың бірі болды.

Оқырмандар қауымының назарына ұсынылып отырған бұл кітап 2004–2006 жылдарға арналған “**Мәдени мұра**” мемлекеттік бағдарламасы бойынша “**Шығыстану секциясы**” тарапынан жүргізілген археографиялық дала экспедициясы мен іссапар материалдарына сүйеніп жазылды.

Аталған археографиялық экспедиция 2004 ж. Ресей Федерациясының Хакасия Республикасында (Абақан қаласы), Тува Республикасында (Қызыл қаласы), Красноярск өлкесінде (Минусинск қаласы), Монголияда, Қыргыз Республикасында (Бишкек қаласы) зерттеулер жүргізді¹. Кітапқа осы мемлекеттердің мұражай қорларында сақталған және далалық жерлерінде кездесетін көне түрік бітіктастары мен ескерткіштерінің археографиялық, тарихи-деректанулық, мәтіннамалық, архитектуралық мәліметтері қамтылды.

Жалпы алғанда, көне түрік бітіктану, көне түрік археологиясы және т. б. салалары бойынша отандық және шетелдік басылымдарда ондаган ғылыми монографиялық еңбектер, жүздеген ғылыми мақалалар жарияланды. Бірақ ондай ғылыми зерттеулер әр түрлі кезеңдерде жүргізілуіне байланысты нәтижелері бір жинақ болып жүйеленіп жарыққа шықпаган. Демек, зерттеушілерге де, қалың оқырман қауымға да көне түрік бітіктастары мен ескерткіштері туралы материалдар топтастырылған еңбектің қажет болып келгені анық. Басылымның мақсаты — бұрын-соңды жарық көрген бірсыныра ғылыми зерттеу нәтижелерін жинақтап, көне түрік бітіктастары мен ескерткіштері туралы негізгі мағлұматтарды қамтыған ғылыми-танымдық жинақты оқырмандар назарына ұсыну.

Археографиялық материалдарды жинау барысында көмектесіп, қол ұшын берген Ресей Фылым академиясы Археология институтының бөлім меңгерушісі, т. ғ. д. И. Л. Кызласов, Сібір бөлімшесі Археология және этнография институтының жетекші ғылыми қызметкері, т. ғ. д., профессор Ю. С. Худяков, Н. М. Мартынов атындағы аймақтық өлкетану Минусинск мұражайының директоры Л. Н. Ермолаева, аға ғылыми қызметкері Н. В. Леонтьев, Е. М. Лясковская, Хакасия өлкетану мұражайының директоры Т. Н. Феоктистова, А. Котожеков, М. Карбиз, Монголия ұлттық тарихи мұражайының директоры А. Очир, орынбасары Д. Нансалмаа, Д. Бумаа, археолог Ц. Одбаатар, Монголия Фылым академиясы Археология институтының директоры, т. ғ. д., профессор Д. Цэвээндорж, жетекші ғылыми қызметкері, т. ғ. д., профессор Д. Баяр, т. ғ. к. Х. Амартувшин, Монголия Ұлттық мемлекеттік университеттінің түріктану бөлімінің менгерушісі, т. ғ. к. Ц. Баттулга, ф. ғ. к. Е. Жанчiv, Монголия Баян-Өлгий аймағының Қоғамдық экономикалық бөлімшесінің ғылыми қызметкері Е. Қонысбайұлы, Монголия Баян-Өлгий аймағы мұражайының директоры Х. Азамат, Х. Қызылбай, бас қор сақтаушысы З. Айгерім, А. Айшагұл,

¹ Ресей Федерациясында жүргізілген археографиялық экспедицияның құрамы: Нәпіл Базылхан, Сержан Баширов, Кенже Торланбаева, Серік Рысбеков; Монголияда жүргізілген археографиялық экспедицияның құрамы: Нәпіл Базылхан, Есенбек Шымшихан, Дәuletхан Түйганақұлы, Еділхан Қонысбайұлы; Қыргыз Республикасында жүргізілген археографиялық іссапардың құрамы: Нәпіл Базылхан, Есенбек Шымшихан.

С. Мұса, Тува Республикасы Алдан-Маадыр атындағы Республикалық мұражай директоры А. С. Гомбу, бас қор сақтаушысы Р. Б. Ховалығ, т. ғ. д., профессор М. Б. Кенин-Лопсан, ф. ғ. д., белгілі түріктанушы З. Чадамба (Арагачи), бөлім менгерушісі О. Ч. Уйнук, Тува гуманитарлық институтының ғылыми қызметкерлері т. ғ. д. М. Х. Маннай-оол, ф. ғ. к. З. Б. Самдан, К.-М. А. Симчит, Б. Б. Монгуш, В. Салчак, Д. А. Uran, Қырғыз Республикасы Ғылым академиясының жетекші ғылыми қызметкері, ф. ғ. д., профессор Ч. Жумагулов, Қырғыз Республикасы Мемлекеттік тарихи мұражайының директоры Ж. Момункулов, бас қор сақтаушысы А. Шаршеналиева, Қазақстан Республикасы Мемлекеттік орталық мұражай директоры Н. Элімбай, Қазақстан Республикасы Мәдениет, ақпарат және спорт министрлігі Тіл комитетінің төрағасы, ф. ғ. д., профессор Б. Омаров, Ұлттық кітапхананың бас директоры М. М. Әуезов, ф. ғ. д., профессор Н. Оралбаева, т. ғ. к., белгілі археолог З. Самашев және ф. ғ. д., профессор Ахмет Ержиласун қатарлы азаматтар ~~жынысымызды~~ білдіреміз.

Сонымен қатар бұл еңбектің дайындалу барысында арнайы кеңес беріп, оған ғылыми түрғыдан құнды түзетулерін жасаған т. ғ. д., профессор М. Қ. Әбусейітоваға, ф. ғ. д., профессор Б. Базылханға және т. ғ. к., археолог Ә. Ақышевке және бітіктастар мен ескерткіштердің архитектуралық өлшемдері мен сыйбаларын дайындауда көп еңбек сіңірген суретші Есенбек Шымшиханға айрықша рахмет айтамыз.

Н. Базылхан